



REPUBLIKA E KOSOVËS / REPUBLIKA KOSOVA

GJYKATA THEMELORE FERIZAJ

Numri i lëndës: 2022:064159

Datë: 28.04.2022

Numri i dokumentit: 02962631

P.nr.2022:064160

NË EMËR TË POPULLIT

GJYKATA THEMELORE FERIZAJ DEPARTAMENTI I PËRGJITHSHËM DIVIZIONI PENAL, në përbërje gjyqtari i vetëm gjykues, Shabi Idrizi, me bashkëpuntorin profesional Driton Ahmeti, në çështjen penale kundër të pandehurës V.F me adresë banimi në rrugën “...” numër 150, Shtime, për shkak të veprës penale “Mos raportimi ose raportimi i rremë i pasurisë, i të ardhurave, i dhuratave, i dobisë tjetër materiale ose i detyrimeve financiare” nga neni 430 par. 1 të KPRK-së, sipas aktakuzës së Prokurorisë Themelore në Ferizaj në PP/II.nr.407/22 e datës 30.03.2022, pas mbajtjes së shqyrtimit fillestar me datën 19.04.2022, në prezencë të Prokurorit të shtetit Avdullah Abedini dhe të pandehurës V.F, me datë 21.04.2022 mori dhe publikisht shpalli, ndërsa me dt. 28.04.2022 përpiloi këtë:

A K T G J Y K I M

E pandehura V. (vajzërisë H) F. nga i ati I. dhe e ëma N., e gjinisë O. e lindur më ..., në fshatin, ... Komuna – Shtime, me adresë banimi në rrugën “...” numër 150, Shtime, ish Këshilltare Komunale në Komunën e Shtimes, e martuar, shqiptare, shtetase e Republikës së Kosovës me nr. personal: e pa dënuar më pare, mbrohet në liri,-

ËSHTË FAJTORE

Për shkak se,

- Me datë 20 Qershor 2020 në Kuvendin Komunal - Shtime, e pandehura nuk i është përmbajtur afatit të përcaktuar ligjor për deklarimin e pasurisë, të ardhurave, dhuratave, dobisë tjetër materiale ose detyrimeve financiare që ka qenë i detyruar ta bëjë, në atë mënyrë që në

cilësinë e Këshilltares Komunale – Kuvendi Komunal – Shtime, si Zyrtar i lartë publik, nuk ka deklaruar pasurinë gjatë periudhës nga data 01 Mars deri më 31 Mars 2020, por edhe as pas vazhimit të këtij afati deri me datë 19.06.2020, për vitin paraprak 01 Janar deri më 31 Dhjetor 2019, ashtu që e ka deklaruar pas afatit të përcaktuar konkretisht me datë 24.06.2020,-

- **me çka me mosveprim kreu veprën penale Mos raportimi ose raportimi i rremë i pasurisë, i të ardhurave, i dhuratave, i dobisë tjetër materiale ose i detyrimeve financiare nga neni 430 par. 1 të KPRK-së**

Andaj duke u bazuar në dispozitën e lartcekur ndëshkimore dhe nenin 3, 38,43 ,69,70.71 të KPRK-së dhe neni 365 dhe 453, të KPPK-së e

G J Y K O N

Të pandehurës V.F i cakton **DËNIM ME GJOBË** në lartësi prej **500.00 € (pesëqind euro)**, e cila do paguhet në këste mujore në afat prej 5 muajve pas plotfuqishmërisë së këtij aktgjykimi, në të kundërtën i njëjti do i zëvendsohet në dënim me burg duke i llogaritur çdo 20 €gjobë 1 ditë burg.

Obligohet e akuzuara që në emër të shpenzimeve të paushallit gjyqësor të paguajë shumën prej 10 € /dhjetë euro/ si dhe komfor nenit 39 par. 3 pika 3.1 të ligjit Nr. 05/L-036, për kompensimin e viktimave të krimit, të paguajnë shumën prej 30 € /tridhjetë euro/, brenda afatit prej 30 ditëve nga dita e plotfuqishmërisë se këtij aktgjykimi.

A r s y e t i m i

Prokuroria Themelore në Ferizaj me aktakuzë PP/II.nr.407/22 e dates 30.03.2022, e ka ngarkuar të pandehurën V.F nga Shtime, për shkak të veprës penale “Mos raportimi ose raportimi i rremë i pasurisë, i të ardhurave, i dhuratave, i dobisë tjetër materiale ose i detyrimeve financiare” nga neni 430 par. 1 të KPRK-së.

Gjykata duke vepruar sipas aktakuzës së Prokurorisë Themelore në Ferizaj me datën 19.04.2022, mbajti shqyrtimin fillestar, ku prezantuan prokurori i shtetit i cili ka lexuar akuzën

dhe ka mbetur në tërësi pranë kualifikimit juridik të veprës penale si dhe prezent ishte edhe e pandehura V.F .

Komfor nenit 246 të KPPRK-së të pandehurës pasi që i janë dhënë udhëzimet nga ana e gjyqtarit gjatë shqyrtimit fillestar përkitazi me pranimin e fajësisë, e pandehura e ka pranuar fajësinë për të gjitha pikat që e ngarkon aktakuza dhe ka shtuar se shpreh keqardhje dhe është penduar thellë, kërkon nga gjykata që t'i shqiptoj një dënim sa më të butë.

Në vlerësimin e pranimin të fajësisë së të pandehurit gjyqtari gjykues komfor nenit 248 par.1 të KPPRK-së, ka kërkuar edhe mendimin e prokurorit të shtetit, i cili ka deklaruar nuk e kundërshton pranimin e fajësisë nga e pandehura meqë një pranim i tillë, është bërë komfor dispozitave ligjore nga neni 248 të KPPK-së, pra në mënyrë vullnetare nga i cili pranim ka mbështetje në të gjitha provat dhe shkresat që përmban aktakuza, dhe i propozon gjykatës që ta këtë parasysh pranimin e fajësisë, të njëjtin ta shpall fajtor dhe ti shqiptoj një dënim të paraparë me Kodin Penal të Republikës së Kosovës.

Gjyqtari gjykues ka vlerësuar se kërkesat nga neni 248 paragrafi 1 i KPPRK-së janë përmbushur, pasi që:

- E pandehura ka kuptuar natyrën dhe pasojat e pranimin të fajësisë
- Pranimi është bërë vullnetarisht.
- Pranimi mbështetet në prova dhe fakte të çështjes penale që përmban aktakuza dhe materialet e prezantuara nga ana e prokurorit të shtetit me aktakuzë dhe atë: Lista e provave nga Agjencia Kundër Korrupsioni me nr. të rastit AK-02-1902-21; Njoftimi nga Zyrtari Kontaktues në Agjencionin Kundër Korrupsion Aziz Sylejmani i datës 28.02.2020; Njoftimi nga AKK për të gjithë zyrtarët kontaktues për fillimin e procesit të deklarimit të pasurisë i datës 02.03.2020; Njoftimi nga Drejtori i Agjencisë Kundër Korrupsion lidhur me afatin e fundit për deklarimin e pasurisë i datës 01.06.2020; Formulari për deklarimin e pasurisë nr.AKK.07935-2020/1; si dhe të gjitha shkresat tjera që gjenden në lëndë.
- akuza nuk përmban asnjë shkelje ligjore ose gabime faktike,

Me qenë se e akuzuara ka pranuar fajësinë e cila është në përputhje me kriteret e përshkruara më lartë, andaj gjyqtari individual komfor nenit 248 paragrafit 4 të KPPK-së, ka vlerësuar se nuk është e nevojshme vërtetimi i ndonjë fakti relevant për shqiptimin e dënimit

dhe për këtë arsye ka vazhduar me shqiptimin e dënimit, *(nëse e pandehura në shqyrtimin fillestar pranon fajësinë dhe kryetari i trupit gjykues vlerëson se pranimi i fajit është bërë në pajtim me ligjin mund të vazhdoj procesin me shqiptimin e dënimit pa plotësuar trupin gjykues dhe pa e mbajtur fare shqyrtimin gjyqësor, lidhur me këtë shih mendimin juridik të Gjykatës Supreme të evidentuar si GJA.nr.207/13 të dt.19.03.2013).*

Vlerësuar në aspektin juridik gjykata gjeti se në veprimet e të pandehurës ekzistojnë të gjitha tiparet objektive dhe subjektive të veprës penale “Mos raportimi ose raportimi i rremë i pasurisë, i të ardhurave, i dhuratave, i dobisë tjetër materiale ose i detyrimeve financiare” nga neni 430 par. 1 të KPRK-së, me që me datë, vend dhe kohë siç është përshkruar hollësisht në diapozitivin e këtij aktgjykimi e pandehura me mosveprimin e saj ka konsumuar veprën penale që i vihet ne barre me çka bërë fillimin e procedurës penale.

Me rastin e matjes së llojit dhe lartësisë së dënimit për të akuzuarin, Gjykata vlerësoi rrethanat në kuptim të nenit 73 dhe 74 të KPRK-së, dhe gjeti si rrethanë veçanërisht lehtësuese përkatësisht që në shqyrtim fillestar e pandehura ka pranuar fajësinë, është hera e parë që bie në ndesh me ligjin, pendimi ishte i sinqertë dhe real për veprën penale të kryer, kurse në rastin konkret nuk gjeti ndonjë rrethanë veçanërisht rënduese përveç që vlerësoi shkallën e përgjegjësisë penale të akuzuarës si dhe rrezikshmërinë konkrete të veprës penale.

Gjykata është e bindur se edhe me një dënim të tillë, duke marrë parasysh edhe faktin se e akuzuara në të gjitha fazat e procedurës penale ka bërë pranimin e fajësisë, do të arrihet qëllimi i përgjithshëm i dënimeve i paraparë në nenin 38 të KPRK-ës përkatësisht dënimi i shqiptuar është plotësisht i justifikueshëm, në përshtatje me rrethanat e kryerjes, rrezikshmërinë e saj dhe të autores së saj, që do të shërbej në parandalimin e kryesës nga kryerja e veprave penale në të ardhmen (preventiva speciale) si dhe do të arrihet qëllimi që ti përmbaj personat e tjerë nga kryerja e veprës penale (preventiva gjenerale).

Në bazë të nenit 450 dhe 451 obligohet e akuzuara në emër të shpenzimeve të paushallit gjyqësor të paguaj shumën paguaj shumën prej 10 € (dhjetë euro) si dhe komfor nenit 39 par. 3 pika 3.1 të ligjit Nr. 05/L-036 për kompensimin e viktimave të krimit, të paguaj shumën prej 30 € (tridhjetë euro), brenda afatit prej 30 ditëve nga dita e plotfuqishmërisë se këtij aktgjykimi.

Në bazë të thënave më lartë u vendos si në diapozitiv të këtij aktgjykimi.

**GJYKATA THEMELORE FERIZAJ
DEPARTAMENTI I PËRGJITHSHËM , DIVIZIONI PENAL**

2022:064159, 21.04.2022

G j y q t a r i

Shabi Idrizi

KËSHILLË JURIDIKE: Kundër këtij aktgjykimi është e lejuar ankesa në afat prej 15 (pesëmbëdhjetë) ditëve nga koha e pranimin të njëjtit, Gjykatës së Apelit në Prishtinë, nëpërmjet kësaj Gjykate Themelore.